



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 19. Christophorus Mendoça captivos in libertatem asserit.

urn:nbn:de:hbz:466:1-38528

ventos, excusatâ præteritâ oblivione, singulos donat; quod dum facit, conspicit in navigii concavo nescio quid coniectum ramis sedulò asservari, suspicatusque quod erat, fœminam & infantem cum morte colluctantes reperit: statim ergo infantem jamjam moriturum abluit: fœminam verò fotam nostris mysteriis informavit. Ex hac viginti-quinque dierum expeditione cognovit Ximenius aliquot oppida ad Tebiquarim de novo posse fundari. si copia Sociorum suppeteret. Ad suum oppidum redux, cognito. Ethnicos circumquaque incolentes annonâ laborare, ingentes ipse sementes fecit, eo fine, ut inediâ corporum premente, ad se frequentes accurrerent, panem animarum eâ occasione petituri. Nec eum fecellit opinio, numerosis turmis ad eum perpetuò undique confluentibus. Subidem tempus ibidem grassata pestis supra nongentos mortales absumpsi. Ex omni verò ætate mille & triginta-quatuor capitulo initialis Sacramenti aquæ infusa sunt.

JOANNES Suarius per scopulos, immittissima loca, ex Sancti Joachimi oppido etiam eò ire ausus, fame & fatigatione non semel fatiscens, numerosam Ethnorum turmam ad oppidum reduxit: è quibus centum ægros in ipsâ excursione sacro Fonte ablutos ad cœlos, ut spes est, statim transmisit. Aliâ in expeditione sexaginta ægris baptizatis, multos alios secum traxit suo tempore initiando: ipse & Christophorus Arenas, per vices, uno domi remanente, nunquam sine prædâ animarum excurrebant: unde factum, ut Sancti Joachimi oppidum ex parvis principiis jam ferè alias colonias numerositate incolarum æquaret. Hoc etiam anno Joannes Suarius non nesciis Barbaricorum morum, quos supra retuli, sepulchro fœmina recenter sepulta aure admotâ, cùm per lapidum congestorum foros tecnum halitum perceperet, tantam amotis lapidibus diligentiam adhibuit, ut ab volente expresserit in sepulchro Baptismi desiderium, quem post sufficientem catechesim ante mortem felicissima mulier amisit. Sanctorum Cosmæ & Damiani sedes, superiori anno erecta, ducentas supra mille familias censebat, ex quo numero hoc anno, præter bene magnam infantium multitudinem, octingenta & octoginta-quinque adulta capita digna reperta sunt, quibus Adrianus Formosus sacras undas infunderet. In Sancti Michaëlis oppido fructus hujus anni fuit, duodecim supra sexcentos omnis ætatis homines baptizasse. In Sancti Thomæ colonia sexcenti nonaginta-duo adulti, & quadringenti nonaginta & unus infantes, Christo per Baptismum accessere. Hujus oppidi incolas afflxere tyrides, eâ vicissitudine successum, ut satis appareret immissas ab Divinâ Justitiâ: nam postquam novendiale sacrificium, invocatâ Reginâ Cœlorum, promissâque scelerum emendatione, institutum est, fera disparuere. Sed veteratoribus ad abjuratas artes redeuntibus, redire etiam tyrides, solitam rabiem exercentes; quæ triduano suppicio peracto rursum quidem evanuere: at ubi tertio recruduere vitia, dentes etiam eò avidius exeruere, quò Divina Nemesis iteratione irritatior erat; nec ante cessit plaga, quam seriam constantemque in abjuratis vitiis exercitationem adhiberent. Illud in hoc Dei flagello notabile fuit, quod tyrides nullum discerpserint, nisi aut ariolandi arte famosum, aut in avitâ superstitione pertinacem. Adeo, quod fera nulla, adhibita licet summâ curâ, & fabricatis ubique castris, capi potuerit: ut satis constaret eas feras immissas à Deo fuisse, tamdiu lœvituras, quamdiu novi homines puniendo materiam præbuissent. In Araricensi Nativitatis Virginæ oppido trecentos nonaginta-duo proœcta ætatis homines, & trecentos trigesima-tres infantes, Paulus Benavidius latalibus aquis immergit. De Baptismis in Sanctæ Annæ coloniâ factis, quia codices perierte, idem esto ferè judicium. Adeo ut per Tapensem Provinciam, si Baptizatos in Iesu-Mariano & Sancti Christophori oppidis, de quibus infra dicam, recenseas, hic annus inter fertilissimos numerati possit.

INTER tantam felicitatem multa præter morem contigerunt gignendæ formidini obnoxia: & Socii omnia, in id quod maximè metuebant, in Mamalucorum scilicet invasiones, non ineptè retorquebant, jamque prænuncii rumores de latronum consiliis per pleraque Neophytorum nostrorum oppida percrebuerant: quos

Qq 2

Utilitas ex-
peditionis.CAPUT
XVIII.De variis
rebus per
Tapensem
Provinciam
paratis.Utiliter ex-
curritur.Mulier sepul-
ta batiza-
tur.885 bapti-
zati.Item mille
centum &
octoginta-
tres.Tyrides ad-
natum Dei
securant.Septingenti
& amplius
Christianæ
lotti.Et forsan aliis
totidem.CAPUT
XIX.Christopho-
rus Mendo-
ça captivos
in liberta-
tem afferit.

ut anteverteret Petrus Romerus, in Paraquariam negotiorum ergò abiturus, Christophorum Mendoçam JESU-Mariano oppidò (quod in finibus Tapensis provinciæ erat) præfecerat, cum mandatis, ut strenuè in omnes hostium conatus intendens, quà per se, quà per alios, péricula præveniret; & ne viro authoritas dœcset, voluit cæteros Tapensis provinciæ Socios, in rebus ad defensionem pertinentibus, se absente, ei subjici. Igitur Christophorus Mendoça, ubi ad JESU-Marianum oppidum pervenit, quidquid ad defensionem conducere arbitratus est, sedulò ordinavit. Has res agenti exploratores nunciant, ab prædoniis belli causas quæsti, quas evolvere non erit inutile. Solebant Mamaluci ab hinc multis retrò annis, ex Australibus Brasiliæ oppidis maris littora radentes, in celocibus eò usque adnavigare, donec in ea parte fæsterent, ubi magnum flumen ab Sancto Spiritu dictum, è Tapensis provinciæ fluviis originem sumens, in Oceanum se exonerat. Per quod flumen paululùm progressi cum littoralibus Indis commercia sua exercebant, ferramenta, veftes, & id genus plurima pro captiuis Barbaris conimutantes. Indi advectis mercibus incendi, populares suos subinde illatâ vi dividabant, aut factâ in Mediteraneis regionibus populatione materiam ditandi quærebant: passimque hi Mamalucorum amici, aut confidentes dicebantur: qui hoc, de quo agimus, tempore eò progressi sunt, ut multos ex pagis JESU-Mariano Neophytorum nostrorum oppido subcensitis abigere ausi fuerint. Quæ res per eos, qui fugâ è vinculis salutem sibi quæsierant, divulgata, Tapensium Indorum animos ingenti timore, & Patres nostros gravissimâ curâ perturbavit, præsertim cum non ignorantem, Mamalucos ægerimè laturos, materiam mercimoniorum suorum per Societatem sibi substrahit; & potius consilia belli capturos, quâm passuros servitorum spe se deturbari. Igitur quasi classico dato, omnium animi ad repugnandum erecti sunt; sed in primis JESU-Marianorum, qui recenti iniuriâ affecti, sumptis armis, magno numero in eam se partem contulere, per quam populares sui in captivitatem abigi dicebantur. Quos comitati Christophorus Mendoça & Petrus Mola, non diu post iniquos abactores assequunti sunt; captosque, assertis prius in libertatem captiuis, ad Paranam, ne quid tale deinceps auderent, ablegavere. Valuit factum ad ipsos abactores Christo lucrando, & conciliando undeaque Ethnicos, qui perspicientes ipsis Patribus curam inesse defendenderum Indorum, summis votis ambiebant in suis terris nova oppida ab Societate condi, aut ad jam fundata commigrare: satisque constat, eâ occasione multis in oppidis quamplurimos in libertatem filiorum Dei suisse assertos.

CAPUT
XX.
Christophorus Mendoça variarum regionum populos sollicitat ad fidem.

Tebiquarim adit.

Caaguarum regio.

SED præcipua Sociorum cura etat, populos mari obversos ad Fidem sollicandi, conciliandi que, ne deceperit ab Mamalucis, adunatis viribus, Tapensi provinciæ perniciem adferrent. Verum quamvis summam in ea re Christophorus Mendoça missis nutiis posuisset, pluresque Barbaros obnoxios donis sibi fecisset, multi tamè in impietate persistebant. Inter quos Jaguacaporuus, ab circumjacentibus populis pro Numine habitus, fretus affinitatibus, ahus fuerat de mactanis Patribus sermonem serere. Quare quia non admodum prosperè per nuncios res agebatur, Christophorus Mendoça ad Tebiquarim fluvium, Ethnicos in partes pellecturus, multorum dierum itinere perrexit, populisque dicendi vi persuadere conatus est, ne crederent Mamalucis. Domum redux ad Caaguarum expeditiōnem se accinxit: timebatur enim, ne per eorum terras hostes iter attiperent. Porro Caagua populoâ regio est, inter Tapensem Provinciam & mare Atlanticum media, haec tenus intacta & impervia Europæis, destinata tamen nostris laboribus, quando operæ suppeterent. In quem finem Caagua ad Tapensem Provinciam venientes, ab nostris Sociis benevolè recipiebantur, largiterque donabantur. Fortè sub id tempus quamplurimi ad JESU-Marianum oppidum commercii ergò convenerant, ab quibus Christophorus Mendoça non ægrè impetravit, ut se in comitatu ad suam patriam ducerent. Capio itineris consilio, numerosam Neophytorum turbam felicitus futuram, si alicunde vis pararetur. Eo comitatu sc. dat in viam: post aliquor dierum iter, Ibiaënsium fines, ubi Jaguacaporuus incolebat,

ingressus